

آبونه شماره اولی

ممالك عثمانیه ده سته لکی (۶۰)، آتی
آلمی (۳۵) غروشدور.
ممالك اجنبیه ده سته لکی (۱۷)، آتی
آلمی (۹) فرانقندر.

اداره مزانه

باب عالی جاده سنده دائره مخصوصه

انطباعات

آبونه بدلی پشیدر

§

مملکه موافق آثار مع الممنونیه قبول
اولنور. درج ایداله یازیلر اتاده
اولونماز.

الکتاب

۱۳۳۰

دینی، فلسفی، علمی، ادبی هفته لقی مجموعه اسلامییه در.

صاحب و مدیر

باش محرز

ع. اشرف ارباب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

محاسن اثر برافاز . نه کیم اور وپاده او اسکی نزاهت ، او اسکی دریغو قلامشدر .

کندیکنز مظلوم یولرده کی مهالکی انجق «ایمان» دهنیلن مشعل ربانی ایله کوره بیلیرز . او مشعلی المزدن بر اقدیغمز دقیقه ده غیای خسرا نه یو وار لایبرز . موضوعات بشریه نك هیچ بری دینك یری طوته ماز . دینسر بر آدم ایچی چورومش چنار آغاچه بکزر . خلاصه انسانیت حاضره نك منشای دین در . انسانیت بوتون مزایاسی دیندن اقتباس ایتشدر . فقط بر چوق کیمسه لر کرامتی کندیلرندن بیلورلر؛ دینی زائد ، حتی مضر عد ایدیورلر . نه بویوک کفران ! نه شنیع طغیان !

بونك اك اچیق مثالی فرانسرلدر . آنلر الحادی دین اولمق اوزره قبول ایتدکاری حالده عجبا شیمی ناصل اولیورده جناب حقه رجوع ایدیورلر ؟ ..

اختلال کیرك اك مهم ، اك مشهور رکنلرندن «روبسیه» فکر الوهیتی بسبتون ذهندن چیقارامامش اولمکی که آوستریالی «له توبولد» ک وفاتی متعاقب اختلال اردولرینك بعض موفقیاته نائل اولملری اوزرینه برکون «زاقوبن» لرك محفلنده بر نطق اوقومش ایدی . بو نطقك بر قاق یرنده ده جناب حقه اسمی ذکر ایدیلش ایدی . زاقوبنلردن «غاده» نك جانی صیقلمش اولمکی که منفعلانه بر طور ایله مجلسه شو سوزی ی سولشدر :

«بو نطقك بر جوق یرنده اللهك قدرتندن ، بيلم نه دن بحت اولونیور . بزى استبدادك پنجه قهرندن قورتارمق ایچون اوچ سندن بری کمال جسارتله چالیشان بر آدمك (یعنی روبسیه رك) تکرار ربه اباطیلک پنجه تحکمنه تسلیم ایتك ایسته یه جکنی خاطر مه کتیرمزد .»

ایشته بو کونکی فرانسرلرک کافه سی «غاده» نك فکرنده در . فقط شمعی یاواش یاواش رجوعه یلته نیورلر . آنجق هوا آچیلنجه هر شینك ینه حال اصلینه رجوع ایده جکنه شبه یوقدر . (واذا مسکم الضر فی البحر ضل من تدعون الا اياه فلما نجاکم الی البر اعرضتم وکان الانسان کفوراً - قرآن کریم)

تنبیه و توبیخ

مقام مشیختك مهم بر تشبثی

دارالظرفه مدرسه سی

جهان مدنیته عصرلرجه عرفان نورلری صاحبان مؤسسات اسلامیة،

کرد باد زمان ایله تر وتابی غائب ایتش ، هر بری برر دارکال اولان مدارسك سنکین سقفلری آلتنده ، برقاق یوز سنه دنبری ؛ علم نورلری یرینه جهل کابوسلری یوزمکه باشلامشدی .

بر وقتلر اومدرسهرلردن یتیشن پارلاق دماغلر قلمرو اسلام ده مدنیت و فضیلتك برر شمس تابانی وظیفه سنی ایفا ایدرکن ، ملعون سبیلر تأثیراتیله عینی بنالر ، برمدت صوکره جهل وظلمت هیولالرینه مقرر اولمش ، بو صورتله کشور اسلام ، باشند باشه مستور ظلام بر دیارتار مارحاله انقلاب ایلشدی . بو هیولاسنه لرجه اسلامی آزمش ، او ظلمت عصرلرجه مسلمانلرک آفاق ایتباهنده کشف طبقه لر حالده قالمشدی . دور مشروطیت ، مدارس اسلامیة یی ایشه بویله بر حال پریشانی ده بولدی . مشروطیتك طبیعی اولان سرمستیی زائل اولور اولمز مملکتك متفکر دماغلری اسلامی قورتاره جق ، مسلمانلری اعلا ایده جك منابع آیقلامه سنی ، مدرسهرلک عصرک ایجاباته موافق بر شکل نوینه افراغی دوشونمکه باشلادیلر .

مدرسهرلک ؛ اوزاق برماضی ده اولدینی کبی ، عرفان نورلری نشر ایدن برر دار علوم حاله کله سنی ایسته مه ین کیمسه یوقدی . بر زمانلر علم و عرفان منبى اولان معظم آبدلرک مظلوم پریشان حاللری کورن ایمانی هر فردک یوره کی «یزلایور» قلبی قان آغلیوردی . سبیل الرشاد ، بو ستونلرده دائماً او آجیلره ترجمان اولمش ، اصلاح مدارس مسئله سنی هر وسیله ایله علاقه دارانك انظار همته عرض ایلشدی .

مدرسهرلری خرابییه سورو کله ین مشوم دورک ییقلمه سنی متعاقب ، اصلاح مدارس یوانده مختلف تشبثلر ، متنوع فکرلر اورتایه آیلدی . فقط بو فکرلردن ، او تشبثلردن هیچ بری پایدار بر ایز بر اقامدی . چونکه تشبث اساسی ، تشبثلر چونکه تشبث اساسی ، تشبثلر عزیمکار ولایم کلن اوصاف ایله پیرایه دار دکلدیلر .

بوکون مقام مشیخت اسلامیة ، اساسی اولدینی ادعا ایدیلن یکی و پارلاق بر تشبثی انظار عامیه عرض ایدیور .

شیخ الاسلام افندی حضرتلری مدرسهرلک اصلاحی یولنده کی تشبثلریله مأیوس قبلره بر امید ویرمش ، سنه لردن بری ایسته نیلن غایه یه توجه ایتش اولیورلر . مشیخت اسلامیة نك عصر دیده تشکیلاته خاتمه ویره رک یرینه داها فیاض بر اساس قورمق ایسته دیکی آ کلاشیلیور .

فقط ، عجبا یایمق ییقمق قدر قولای بر شیمیدر ؟ حوله ثقیلی بوکونکی نسلک اوموزلری پیراندرن تنظیما تعلیق ، یایمه نك ییقمق قدر قولای اولدینته آلم فقط جانی بر مثال دکلدیر ؟ ..

اسکیسی ییقلوب یکیمی قوروله مه ین بر جوق مؤسساتك تماشا کر خرابیسی اولانلر احتمالکه بویکی تشبثی ده ترددلر ، حتی هیجانلره قارشولایه جقلردر . تشبثك باشنده ، غیر قابل اصلاح اولدینی صلاحیتدار

بر آغیزله مجلس ملی حضورنده اعتراف ایدیلن بر نظارتک بوتون باطالقارینی تطهیر موفق اوله رقی مکمل بر اداره حالته افراغ ایدن عزیمکار بر ذات عالی بولمسه ایدی مترددلره حق ویریه بیلیدی

مع مافیه اعتراف ایدرز که صاخلام و فیاض بر دماغ ، متین و دینج عضولردن محروم اولورسه دوشوندیکنی موقع اجرایی قویه مز . قوروله جق تشکیلاتک احتیاجات عصره موافق ، جانی و مقبول عنعنلره مطابق اولمی ، خلاصه اساسلی و پایداری اوله بیلیمک دامغاسنی حائر بولنه بیلیمه سی آنجق بوکا متوقفدر . عجیب بو تأمین ایدیله بیلیمی ؟ ... بک زیاده حائر اهمیت اولان بو تشبث حقننده قطعی سوزمزی تشکیلات قادروسنک نثری و یکی بنایی قوروجق بازولرک تبیین زمانه ترک ایدیورز . شمدیلک مقام مشیختک ، ملت اسلامیه نک یکانه واسطه تعالیسی اولان مدرسه لری بر منبع عرفان حالته افراغ ایتکه متوجه اولان تشبثلرند موفق بالخیر اولملرینی تمنی ایتکه اکثفا ایتکی داها مناسب کوریورز .

طولانی قادیلرجه (آدالقی آبی) ده نیان - شهر ذی القعدة نک ابتداء سنده مکیه کیتیمک املیه یوله چیقیدی . فقط بو سفردن مقصد ، محاربه ایتک دکل ، مکیه کیدوب کعبه شریفه یی زیارت ایله مکدی که زیارت انساننده قریش مشرکلیده کوروشوله جکندن اونلردن بر چوغنک مسلمانلغه میل کوسترمه سی و شوصورتله مسلمانلرک قوتلانه سی مختلیدی . بو سفره اصحاب کرام ، باخلاء مکلی اولان مهاجرلر ، بک سه - ویندیله ، چونکه : رسول اللهک رؤیاسنی هان بوسنه چیقاجق صائمشر و مکیه واریر و ارماز بیت شریفی زیارت و طواف ایده چکر ظننه دوشمشاردی . پیغمبر افندیمز ، صرف زیارت ایچین کلکده اولدیغنی آکلاتمق ایچین - حاجیلرک کیردیکنی کی - احترامه کیردی و مکده قربان ایدیلک اوزره بر جوق ده ویه علامت طاقیدردی ، برابرنده بولونان ۱۵۰۰ قدر اصحاب کرامده یولچی سلاحی اولق اوزره یالکزر برر قیلیج آملالرینی تنیه ایتدی . هرتورلو احتماله قارش قالا بالقجه بولونمق فکر یلده مدینه جوارنده کی بدوی قبائلنه :

— بن ، کعبه زیارتنه کیدیورم . سزده کلکزر ، برلکده بولونالم . دییه خبر کونده ردی . لکن بدویلر :

— پیغمبر ، دشمنلرینک آره سنه کیدیور . مطلقا محاربه یه مجبور اولاجق ونتیجه ده غیب ایده جکدر . بز ، بو تهلمکلی سفره قاریشایلمده اوطوروب راحتمز باقالم . دییه رک رسول اللهک دعوتنه اجابت کوسته رمه دیلر .

پیغمبر حضرتلری ، یاننده کی اصحابی ایله (ذوالحلیفه) ده نیان یرده احراملاندی و قریشیلرک احوالنه دائر معلومات کتیرمک اوزره (بشر بن سفیان) نامنده بر صحابی یی کیزلیجه مکیه کونده ردی . حال بوکه : مکلیلر ، رسول اللهک یوله چیقیدینی دویمشله و ناصیل اولورسه اولسون مسلمانلرک زیارتنه مانع اولمای ذهنلرینه قویمشله ، بو فکر ایله ده ایچه بر قالا بالق اولدقلری حالده مملکت خارجه چیقوب محاربه یه حاضر لانشله ، حتی (خالد بن الولید) ی ایکی یوز آتلی ایله بیشدار اولارق (غنیم) موقعنه یوللا مشلردی .

پیغمبر افندیمز ، مکیه ایکی قوناق مسافه سی اولان (غدیر اشطاط) یاخود (عسفان) موقعنده بولوندینی صیراده بشر بن سفیان کلوب قریشک حاضر لغنی خبر ویردی .

بونک اوزره رینه پیغمبر حضرتلری ، نه یایالم ؟ دییه اصحابنه دانیشدی . ابو بکر الصدیق حضرتلری :

— یا رسول الله ! سن ، محاربه ایچین دکل ، صرف زیارت ایچین یوله چیقدک . بناء علیه یورویه لم و یولمزی کسمه یه قالیشانلر اولورسه اونلرله حرب ایدلم . دیدی . افندیزده :

— او یله ایسه بسم الله آرش ! امرینی ویردی . کرک صدیق اکبرک تکلیفنه ، کرک حضرت پیغمبرک اونی قبول وامرینه دقت ایدیورمیسک ؟

تاریخ

اسم عسکرینه :

حدیثیه مصالحه سی

یکیت عسکر !

شیمدی یه قدر سکا برقاج محاربه آکلاتدم و طولانیسیله بعض نصیحتلرده بولوندم . بو سفرده رسول الله صلی الله علیه وسلم افندیمزک مکه مشرکلیله بایدینی بر مصالحه پی نقل ایده جکم . دقتلی دیکلده مسلمانلرک علیه کی کوزوکن بو مصالحه نک ، اهل اسلامک لهنه چیقیش ، یعنی مسلمانلرک منفعته خدمت ایتش اولدیغنی آکلا .

جناب حق (عی ان تکرهوا شیئاً وهو خیر لکم) یعنی (سزک فسا کوردیککزر بر شیتک حق کزده خیرلی اولق احتمالی واردر) بویورویور .

ایشته سوبله یه جکم حکایه ، بو آیت کریمه نک اک پارلاق بر مثالیدر . هندک محاربه سی دونوشنده پیغمبر حضرتلری ، اصحابنه خطاباً :

— بوسنه دن صوکر اقریش مشرکلی ، بزم اوزره ریمزه کله مه یه جکدر .

بالعکس بز ، اونلرک اوسته یورویه جکر . بویورمشدی . برده اصحاب کرامیله برلکده مکیه کیدوب کعبه مکرمه یی زیارت و طواف ایله مش اولدیغنه دائر بر رؤیا کوردیکنی خبر ویرمشدی . آرتیق مشرکلرک اوزره رینه یورومک زمانی کلدیکنی فعلا ده اثبات ایچین هجرتک آلتنجی سنه سننده و - شکر بایرامی ایله قربان بایرامی آره سننده بولونماسندن